

中國邊疆史志集成

東北史志

第五部

12

全國圖書館文獻縮微复制中心

中國邊疆史志集成

東北史志

第五部
12

全國圖書館文獻
縮微復制中心

新華書店
PDG

[illegible]

同治十一年十月	新疆軍情	景廉	德英	烏魯木齊	十三員	馬隊	五百	十一月十一日
同治十一年十一月	奉天換防	都興阿	德英	奉天	官兵	五十	十一月十九日	十一月十一日
同治十二年十月	赴奉天勦匪	都興阿	德英	奉天	佐領空闊	二員	馬隊	一百
同治十三年九月	赴奉天勦匪	都興阿	依克唐阿	奉天	協領穆特	五員	馬隊	二百
光緒元年五月	赴奉天換防	崇實	豐紳	奉天	佐領賽清	五員	官兵	五十
光緒元年十二月	赴吉補充	穆圖善	豐紳	吉林	副管正福	二員	西丹	一百
光緒五年七月	赴奉天換防	岐元		奉天昌圖	慶祺	一員	馬隊	九十三
光緒十年八月	赴奉天策應	慶裕	文緒	奉天			馬步兵丹	四百
光緒十年十月	赴通州備調	善慶	文緒	通州善慶軍營	協領薩英	十七員	官兵	五百
					阿綽哈布			十月十五日

光緒二十 年六月	中日之戰	定安	依克唐阿	九連城一 帶	總統倭恆 額	一百二 十八員	齊字營馬 步兵丹	二千	六月十 七日
光緒二十 年七月	中日之戰	李鴻章	依克唐阿	九連城安 東等處	依克唐阿	一百五 十七員	鎮邊軍馬 步兵丹	三千	七月十 九日

按黑龍江紀畧載有清徵調黑龍江兵四十四次以爲夥矣衆矣今稽聖武記硃批諭旨始康熙三十五年之征噶爾丹迄光緒中日之役得六十有九次其中或仍有闕漏而咸豐同治間幾於無歲無之官與兵數統計六萬七千七百三十有奇其慶生還者十不一二也不死於鋒鏑戰爭之場即死於溽暑厲疫瘴煙之地卽或有事乎遠戍更替非皓首歸來卽勤勞致疾竟有酬庸有典而貧不能堪卹賞渥頒而無人承襲江省地廣人稀其殆影響於此歟然咸同中興黑龍江

二二五

黑龍江志稿卷六十

藝文志

龍江僻在絕域自契丹金源諸族蹶起塞北始有文字間存
草野當明萬歷之季清太祖努兒哈赤氏奄有遼瀋命額爾
德尼巴克什及噶蓋扎爾固齊用蒙古之字以製定滿文頒
行國中所謂無圈點之滿文者也及太宗天聰六年命巴克
什以初學所應讀之十二字頭加以圈點以區別之是謂通
行加圈點之滿文有清一代有圈點之滿文及蒙古文雖通
行於黑水白山之間而無圈點之滿文幾無人能識未入關
之前以滿文所譯四子書及說部行之遼瀋恐未能遠及邊
塞康熙間於龍江設官學爲講求文教之始惟能文章解雅

故者卒鮮洎方登嶧劉鳳誥章汝枏輩暨呂留良子孫先後
謫居塞外人士慕其流風執經問業始能讀典籍識先正之
遺訓晚近國事日繁龍江當吾國之極北日俄偪處於是國
人乃稍稍注意於塞北之疆土風俗民物發爲文章頗斐然
可觀而日本人於南北滿之考察每年彙成一書者不下數
十百種雖多繁複或有失實之處而觸目驚心無處不可爲
國人自省之地夫以邊省著錄之少故吉林通志無藝文之
目江省不辭簡陋列爲此編豈僅搜羅備數已哉茲分書目
金石文徵三類先列邦人之著述而以外人紀述龍江故事
之書附焉見聞極隘知不免疏漏之譏倘有如元祕史之宏
著復見於世馨香祝之矣

黑龍江志稿卷六十

藝文志

書目

元祕史

不著撰人姓氏於成吉思之家世元朝開國之方略此書紀載極詳用白話體而無一字之虛設蓋非目擊其事者不能如此之真切且賅括無遺也

黑龍江官制十一卷

清富永阿撰富永阿隸呼蘭旗道光間署黑龍江都統

黑龍江戰事四卷

清富永阿撰

樂志堂草稿

清崔巍撰魏字煥章一名巴彥德勒和爾著有樂志堂草稿

惹嘔集

清崔摺斑撰摺斑齊齊哈爾人尙書阿文賽之子工吟詠所著

惹嘔集曾刊行

伊犁南疆勘界日記

沙克都林札布撰著錄新疆通志

槐蔭芳草

清王舒毓撰舒毓字秀亭隸水師營道光甲辰生於龍江江省文學之士舒毓其翹楚也與蘇榮軒迎善卿色子明陳全齋常蘭亭雙三樂並結詞社著有槐蔭芳草若干卷被鼠嚙無存僅

存梅花詩數首而已

東遊日記

清王鶴鳴撰鶴鳴字九臯齊齊哈爾漢軍旗人

黑水郭氏世系錄二集

訥河郭克興起衰輯是書共分八卷其自序謂於黑龍江方輿部族沿革悉采取史志及名著編入云

中國文字原始及其構造二卷

近人蔣善國撰善國字化普慶城人輯有中國文藝叢選中國詩選等書是篇爲其近年所作以金石甲骨文字考訂六書博證廣引間及域外巴比倫之文綜核排比成爲有統系之書上編爲中國原始字之探索下編爲中國文字之構成自序謂不

困于許氏之學云

右爲黑龍江省人著述

龍沙紀畧一卷

清方式濟撰濟字屋源安徽桐城縣人康熙己丑科進士官中書舍人是編乃式濟之父登嶧謫居黑龍江時式濟往省因據所見聞考覈古蹟勒爲九門一方隅二山川三經制四時令五風俗六飲食七貢賦八物產九屋宇總名曰龍沙紀畧何秋濤謂其取班超傳贊咫尺龍沙之語強爲東北之地名嗣是英和有龍沙物產之詠奎照有龍沙紀事之詩皆踵而用之蓋詞人藻績之語輾轉相因無足深訝唯是卜魁可木之疆北鄰俄國地處極邊古昔輿圖旣虞疏漏近時志乘祇據傳聞式濟久寓

於斯閒居多暇訪詢遊覽事覈語詳旣足訂遼金諸史之譌並可補盛京通志之闕原附載式濟詩集之後四庫書目析而錄諸史部誠以是編乃輿地家不可少之書也

卜奎風土記一卷

清方觀承撰觀承字遐穀號問亭又號宜田安徽桐城人式濟子也少時隨父侍祖登嶧戍龍江二十餘年父歿負骸骨入關乾隆丙辰舉博學鴻詞官至直隸總督諡恪敏所著卜奎風土記居戍時作也用筆簡古紀錄翔實讀之可見其動心忍性之功矣

卜奎城賦並序一卷

卜奎紀略一卷

清英和撰和字樹琴號煦齋姓索綽絡氏內務府旗籍乾隆癸丑進士官戶部尙書以承辦寶華峪地宮浸水案謫戍黑龍江搜求民風物產官制兵防等事有關於政治者撰卜奎城賦取材宏富典麗翔實誠塞外之鴻文也嗣又著卜奎紀略一卷以補採擇之未備欲考邊徼之事實者當合兩作而參觀之

黑龍江水道編一卷

清齊召南撰召南字次風號息園天台人以博學鴻詞入翰林與修大清一統志官至禮部侍郎自天文律歷以至山川疆域險阻要隘瞭若指掌故於水道言之綦詳

黑龍江外記八卷

清西清撰清字研齋滿洲人鄂文端公曾孫也道光間主政黑

龍江銀庫嫺雅博學工詩古文辭刻有聚魁集官黑龍江數載公餘必檢署中書撫拾舊聞出遇村氓野老語國初故事必駐足聽歸必一一錄之遂成此書首述山川道里湮酪之部族次及列城台站官制兵防田賦之科則邊疆之要隘風霜雨雪寒暑之氣候物產民風及異聞軼事與龍沙紀畧並傳矣

龍江述畧六卷

清徐宗亮撰宗亮字晦甫號椒岑皖之桐城人父豐玉殉節田家鎮諡勇烈宗亮襲騎都尉世職精敏有辯才縱論古今事恒屈其坐人性孤介晚歲橐筆遊塞外考山川城邑政治民風官司旗屯分防之制條分類舉紀錄詳實實鉅製也

黑龍江鄉土志一卷

近人林傳甲撰傳甲閩侯人是書分歷史地理格致三種每種二十八課每課附圖記黑龍江事由淺韻文出之頗裨發蒙

龍江舊聞錄 卷

近人林傳甲撰傳甲字奎騰福建閩侯人精研輿地之學著大中華地誌本錄列爲五篇首曰舊政計二十九章二曰舊事計三十章三曰舊地計十五章四曰舊俗計二十三章五曰舊物計三章多得之於耆老傳聞蓋有裨於龍江掌故者也

黑龍江教育日記

近人林傳甲著

龍江進化錄

近人林傳甲撰

黑龍江物產志

近人張朝墉撰朝墉字北牆一字白翔號半園四川奉節人工書善詩旅東甚久是志凡分十三門援古證今考據翔實可裨實用不僅資談助已也

黑河政務誌略

近人張壽增輯

黑龍江輿地圖說

武進屠寄字敬山精研輿地之學曾在黑龍江測量地圖惟冊有說而無圖亦未著撰人姓名想因爲公家之事未竟其緒故未著錄耳

黑龍江地畧